

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Naalakkersuisut siulittaasuat Jens-Frederik Nielsen (Demokraatit) piginnittut sinnerlugit ingerlatsivik inuiaqatigiit pigisaannut Tusass A/S-imut akisussaasuunerpaava?
2. Tusass A/S arlaannaatigullu Pisortaqarfiit aallaavigeqqaarnagit, kiffaanngissuseqartumik qaammataasianut nittartagaqarsinnaalernissamut, soorlu OneWeb, Starlink, assigisaanullu attavinissinnaanissamut periarfissaqarsinnaalissaagaanni inatsisit piumasaqaatillu sorliit allanngortinneqartariaqarpat?
3. Atuisut, soorlu Nunatta Kangiani Avannersuarmilu, kiffaanngissuseqartumik qaammataasianut nittartagaqarnissamut akiliisinnaatitaalerlutik attavinissinnaalerunik, Tusass A/S isertitakinnerunissaannut Naalakkersuisut aarleqquteqarpat? Taamaappat isertitaqannginnerunissamut annertussusaa katillugit akeqquneqarpoq.
4. Isorliunerusut qaammataasiat aalajangersimaqqissaartut aqcutigalugit Tusass A/S-imiit nittartagaqartinneqartut attaveerutsinneqarsimatillutik attaveqanngissimanerminnut akiliutigisimasaannik utertoofigitittarpat?
5. Tusass A/S arlaatigut sinneqartoornissaminut Naalakkersuisuniit, tassa piginnittuniit, piumasaqarfigineqartarpa? Taamaappat ukiuni kingullerni sinneqartooqqusineri qanoq annertutiginersut akeqquneqarpoq.
6. Tusass A/S qanoq annertutigisumik aningaasatigut taperneqartarpat, soorlu TV/Radio-kkut aallakaatitsisinnaanissamut allanullu, aningaasat katillugit?

(Inatsisartunut ilaasortaq Pele Broberg, Naleraq)

Tunngavilersuutit:



Tusass A/S inuiaqatigiinniit ukiut tamaasa 100 mio. kr. sinnerlugit sinneqartooruteqartuaannarsimavoq, ukioq kingullerlu 170 mio. kr. sinneqartoorluni, naak attaveqaatit isorliunerusuni atorsaangivissorlutik pisartut. Taamatuttaaq pitsaanerusunik periarfissarsiorsinnaatitaanngillat qanorluunniit aalajangersimasooq ataasiinnaq atortussaataarpalummassuk apeqqutit ingerlateqqinneqarput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasooq aallaavigineqassaaq.